

B R U T I A

* RHEGIUM Ptolem. lib. 3. cap. 1. hodie *Rezo*. *Stephanus* primus hujus Episcopus ordinatus dicitur à sancto Paulo Apostolo in Martyrologio Romano: scripsitque Divus Gregorius Magnus Epistolas 4. & 43. l. 2. Indiçt. 11. pluresque alias ad *Bonifacium* Episcopum Rhegiensem.

† TAURIANUM Melæ lib. 2. c. 4. hodie *Seminara*. † D. Gregorius Magnus Epistolam 39. lib. 1. Indiçt. 9. scripsit ad *Paulinum* Episcopum Taurianensem: subscripsitque *Laurentius* Taurianensis Episcopus Concilio Lateranensi sub Martino.

TROPIA, Tropea Stephano, vulgò etiam *Tropia*, cujus Episcopus *Joannes* subscripsit Concilio Lateranensi sub Martino.

** VIBO, quæ & Vibo-Valentia Plin. lib. 3. c. 5. hodie *Bivona*, teste Barrio. *Joannes* Vibonensis Episcopus subscripsit Concilio Romano primo sub Symmacho, itemque *Papinius* Lateranensi sub Martino.

†† NICOTERA Antonino in Itinerario, nunc *Nicodro*. D. Gregorius Magnus scripsit Epistolam 47. lib. 7. Indiçt. 2. ad *Proculum* Episcopum Nico-
teræ.

TEMPSA Straboni lib. 5. nunc *S. Marco*. *Hilarius* hujus Episcopus subscripsit tertiæ Synodo Romanæ sub Symmacho, & *Sergius* Lateranensi sub Martino.

§ THURIUM Ptol. lib. 3. cap. 1. nunc *Terra nova* Barrio, aliis *Buffalora*. *Joannes* Thuritanus Episcopus subscripsit tertiæ Synodo Romanæ sub Symmacho.

CERILLUS Straboni lib. 6. aliis *Cerellus*, vulgò *Cerilla* Barrio. *Romanus* Episcopus Cerellitanus subscripsit Concilio Lateranensi sub Martino.

CONSENTIA, vel Cosentia, Livio lib. 8. hodie *Cosenza*. D. Gregorius Magnus scripsit Epistolam 47. lib. 7. Indiçt. 2. ad *Palumbum* Episcopum Cosentia.

§§ CROTONA Ptolem. lib. 3. c. 1. adhuc *Crotone*. *Theodosius* hujus Episcopus subscripsit Concilio Lateranensi sub Martino.

¶ SCYLLATIUM Ptol. lib. 3. cap. 1. vulgò *Squillaci*. *Gaudentius* Scyllatenus Episcopus subscripsit Concilio Romano sub Hilario: scripsitque D. Gregorius Magnus Epistolas 38. lib. 2. Indiçt. 10. & 37. lib. 7. Indiçt. 1. ad *Joannem* Episcopum Scyllatinum.

¶¶ LOCRI Ptol. ibid. vulgò *Gieraci*. D. Gregorius Magnus dirigit Epistolam 47. lib. 7. Indiçt. 2. ad *Marcianum* Locrensiem Episcopum.

* MURANUM, vel Submuranum Antonino in Itinerario, vulgò *Morano*. *Lucianus* Episcopus Murani subscripsit Concilio Romano sub Julio.

ORESTIS, vel Orestis-portus Plin. lib. 3. cap. 5. hodie *Porto Ravaglioso*. *Longinus* Orestensis Episcopus subscripsit Synodo sextæ Romanæ sub Symmacho.

H 2

* CA-

N O T Æ.

* *Rhegium &c. Martyrol. Rom.*] *Joannes* Rhegitanus adfuit Concilio Lateranensi sub Martino. LUCAS HOLSTENIUS.

† *D. Greg. ad Paulinum Episc. Taurian.*] lib. 11. Epist. 18. Ecclesiam ejus obitu vacantem Venerio Vibonensi commendat. LUCAS HOLSTENIUS.

** *Vibo &c.*] *Rufinus* apud S. Gregorium Magnum lib. 5. Epist. 40. Venerius apud eundem lib. 7. Indiçt. 2. Epist. 47. & lib. 11. Epist. 18. LUCAS HOLSTENIUS.

†† *Nicotera &c. nunc Nicotera. D. Gregor. M. scripsit Epist. &c. ad Proculum &c.*] & lib. 5. Indiçt. 14. Epist. 40. curam ejus & visitationem committit Episcopo Vibonensi. LUCAS HOLSTENIUS.

§ *Thurium &c.*] De Thuritanæ Ecclesiæ Episcopo defuncto D. Gregor. lib. 2. Epist. 38. LUCAS HOLSTENIUS.

§§ *Crotone*] *Croton*. LUCAS HOLSTENIUS.

¶ *Scyllatium &c. Gaudentius &c. sub Hilario*] *Augustinus Squillacinus* adfuit Concilio Lateran. sub Martino. LUCAS HOLSTENIUS.

¶¶ *Locri &c.*] Vide etiam lib. 6. Epist. 38. *Crescens Locrensis* subscripsit Lateranensi Martini Papæ. LUCAS HOLSTENIUS.

* *Muranum*] dele [*vel Submuranum*]. LUCAS HOLSTENIUS.